



Isalathiso: 20200630-6728  
Inombolo yefayili: 3/3/2/3  
Imibuzo: IZiko leeFoni

ISetyhula: 0017/2020

Umhla wokuphelelwa: 31/12/2020

Iya: KumaSekela Balawuli-Jikelele, kuBalawuli abaziiNtloko, kuBalawuli, kuBaphathi beeSekethe, kwiiNtloko zawo onke amaziko emfundo nakooSihlalo bamabhunga olawulo

Isishwankathelo esifutshane: *Le setyhula icacisa inkqubo yokuqeshwa kwabancedisi bootitshala bokubonelela ngenkxaso "kwigumbi lokufundela" apho zivunyiweyo izicelo zeminyenyevu (concessions) zootitshala abanezinye izigulo ngaxeshanye (comorbidities).*

#### Isihloko: Ukuqeshwa kwabancedisi bootitshala

1. Ukuqinisekisa ukwenziwa kwenkonzo okokoko ngethuba lesimo sentlekele kazwelonke kulandela ukuqhambuka kukabhubhane weCOVID-19, okwabizwa ngokuba yi-novel coronavirus, iSebe leMfundo leNtshona Koloni (iSebe iWCED) liyiqwalasele kwakhona iNgcaciso eMfutshane yeCandelo lokuGaya nokuKhetha aBasebenzi 0001/2020, yowe-03 Juni 2020, **engakuboneleliyo** ukuqeshwa kwabaqeshwa ababambelayo ngokunxulumene nootitshala abanezinye izigulo ngaxeshanye (comorbidities).
2. Ukunceda amaziko, iSebe iWCED lizibandakanye kwiphulo lokugaya ukufumana abancedisi bootitshala (educators' assistants) ukubonelela ngenkxaso eyimfuneko "kwigumbi lokufundela" kootitshala abanezinye izigulo ngaxeshanye (comorbidities).
3. Iziko ledatha (elihlaziywa qho ngeveki) elineeprofayili zamaqela abancedisi bootitshala abakhoyo (educators' assistants cohort) liya kufumaneka kumaziko ngokusebenzisa isistim yekhompuyutha i-People Management System. Amaziko anokusebenzisa iziko ledatha ukufumana abagqatswa abafanelekileyo apho ivunyiwe iminyenyevu yokuxolelwa (concessions) kootitshala abanezinye izigulo ngaxeshanye (comorbidities).
4. Makungeniswe la maxwebhu alandelayo ukulungiselela ukuqeshwa komncedisi katitshala otyunjwa liziko.
  - a) Ifom yesicelo katitshala
  - b) Amabanga emfundo okanye ubungqina bokubhaliswa eyunivesithi

- c) I-ID
- d) Ifom yebhanki
- e) Ifom yakwaSARS (yerhafu)  
Ifom ye-MIE (ukutshekisa iinkcukacha zokufaneleka komqeshwa)
- f) Ingxelo ebungqina obuxhasa umnyenyevu wokuxolelwa (*concession*)  
ovunyiweyo ngokunxulumene nesicelo somqeshwa onezinye izigulo  
ngaxeshanye (*comorbidity application*).

5. Amagama abatyunjwa anokungeniswa ngokudlula apha  
[Recruitment.Institution@westerncape.gov.za](mailto:Recruitment.Institution@westerncape.gov.za).

6. Ummiselo oqulethwe kule setyhula uya kuphela ngomhla wokupheliswa kwesimo sentlekele kazwelonke.

**ISAYINWE:** NGU-BK SCHREUDER

**INTLOKO YESEBE LEMFUNDO**

**UMHLA:** 2020-07-06